

ĵonion; ne el~u, ni tuj *dissendos la daŭrigon de la programo!* Mem~ilo. Aŭtomata ~ilo, funkcia per si mem je certaj kondiĉoj.

**ŝamano** (R). Tiu viro, ordinare karakterizita per nervaj perturboj k'emo al natura aŭ estigita ekstazo, kiu, en la primitivaj triboj, ludas samtempe la rolon de sorĉisto, de pastro k' de kuracisto. ~ismo. 1 Religio de siberiaj triboj, bazita sur la kredo al diaĵoj k' al la povo de la ~oj por influ ilin. 2 Ĉia analoga primitiva religio.

**ŝampuo**. Ŝaŭmiga likvaĵo aŭ pulvoro, uzata por lavi la harojn. ~l (tr). Sapumi, lavi k' masaĝi ies kapon per ~o.

**ŝarifo**. 1 Muzulmano, devenanta de Mahometo k' Fatima, k' rajtanta surhavi verdan turbanon. 2 Ĉefoficisto en Mekko.

**ŝejko**. 1 Araba estro de tribo, vilaĝo ktp. 2 Honora titolo : *la ~o de la Montoj* (= la estro de la Asasinoj.)

\* **ŝelko** ALD ~eto. Rubando, kiu pasante surŝultre servas por subporti virinan subveston : *sen~ela mamzono por balrobo*.

**ŝeolo** z (R). Subtera loko, kie, laŭ la hebrea kredo, ŝimis la fantomoj de la mortintoj. Kp INFERO 1.

**ŝereo**. Hispana, tre ŝatata vino blanka, rikoltata en Andaluzio.

**ŝerifo**. 1 Ĉefa regna administranto en angla distrikto. Kp PREFEKTO. 2 Ĉefa policoficisto en usona distrikto.

**ŝjalsmo** (R). La dua, neortodoksa formo de Islamo, reganta ĉefe en Aziaj landoj. Kp SUNAISMO.

**ŝjalisto**. Ano de la ŝjaismo, kiu forpuŝas la Sunaon k' agnoskas kiel legitiman posteulon de Mahometo nur la duan kalifon Ali. Kp SUNAISTO.

**ŝilo** ANST = ĉilo.

**ŝkoto** ⚓. Ŝnuro, flksita je unu fino al la malsupra angulo de velo k' je la alia fino, ordinare pere de takelo, al la ŝipflanko kontraŭa al la vento.

\* **Ŝnuro** ALD ~l (tr). Ligi per ~o. ~eto. Malforta ~o kun malpli ol tri ~eroj. Kp LINEO 2. ~armi z. Rigi. ~dancisto z. Ĉirka artisto, kiu kapablas

ekvilibre paŝi k' fari dancmovojn sur ~o streĉita en la aero. ~kondukilo <. Fleksebla kupra kondukilo, envolvita de kaŭĉuko k' teksfadenoj, k' prezentanta ekstere aspekton de ~o aŭ kordon. ~salti (ntr). Salti kadence, dum ~o, tenata en propraj manoj, aŭ en tiuj de du helpantoj, runde ŝvingiĝas ĉirkaŭ la korpo, pasante super la kapo k' sub la piedoj de la saltanto.

**ŝorbeto**. Duonglacia trinkaĵo el frukta suko kun sukero k' aroma likvoro.

**ŝoso** ☄. Verda branĉogermo, el-kreskanta k' evoluanta dum la unua jaro.

\* **Ŝovi** ALD ~odenso □. Vektoro de la elektra kampo, kies diverĝenco estas proporcia kun la (meznombrita) denso de la ŝargoj de jonoj k' apartaj elektronoj; simbolo : D. RIM. Ĝi kontrastas kun la elektra kampintenso (simbolo : E), kies diverĝenco estas proporcia al la meznombrita kvanto de ĉiu ŝargo en volumena unuo, inkluzive de kromaj kvantoj de enmolekulaj ŝargoj kaŭzitaj de polarizo. **Trans~o**. ☄. Nekonscia procedo de la imago, en la revoj aŭ songoj, per kiu la afekcia sento parte aŭ tute forlasas la originan objekton, kiu ĝin kaŭzis, k' trans~iĝas sur unu alian, substituitan, havantan kun la unua rilatojn de asociigo per apudeco, simileco aŭ kontrasteco.

**ŝpalo** ☄. Transversa trabo el ligno aŭ alia materialo, sur kiu kuŝas la du reloj de fervojo k' al kiuj ili estas fiksitaj : ~borilo; ~noĉo.

**ŝpuro** ☄. Traklarĝo : distanco inter la relkapoj mezurita ofte al ili ĉe punktoj, kiuj estas 15 mm malsupre de la relsupro : *normala* (1,435 m), *larĝa*, *mallarĝa* ~o; *el~a trako*.

\* **Ŝraŭbo** ALD ~kanelo. Elstara kanelo, kiu helice ĉirkaŭas la kernon de ~o. ~paŝo. Distanco inter du homologaj punktoj de la kanelo de ~o, mezurata paralele al la akso. ~ŝlosilo. Speco de ~ilo, kiu servas por ~i la ~ojn, ~ingojn aŭ boltojn kun poligona kapo : *angla* ~ŝlosilo (kies beko estas larĝigebla). ~turnilo. Speco de ~ilo, kiu servas por ~i la ~ojn kun enkapa fendeto.